



傳通良榮見序義分  
三本


秋



40 1 2 3 4 5 6 7 8 9 50

1 2 3 4 5 6 7 8 9 60





觀經序分義傳通記卷第三見聞本

▲第六散善顯行緣事

釋鑒

○顯行等者 問第四卷云 一明三福以爲正因 二明九品以爲正行三福名因不名行今何云顯行乎 答彼未配當九品機對果因設不配機是所行貯此名行也 ▲本 以見夫人等者別所求云願生極樂別去行云得生之行今此二請稱繹迦佛利生本心又顯弥陀四十八願悕衆生意其本心者遠化前序也佛在香山遙覽王宮逆惡事起必可請我其時可開極樂門近通去行也謂夫人請爲我廣說時佛思食廣現淨土令韋提選極樂淨土光臺現國如案韋提樂生極樂請得生

行故佛微笑云又約一經本意本心願意唯在一向稱名付屬釋云上來雖說定散兩門之益望佛本願意在衆生一向專稱彌陀佛名已上則此義也○答欣淨等者言答大意樂欣淨緣韋提請定行此定行流散機故於當緣開散行顯定散二行然後付所請定舉益勸修故序散前定後也正宗先說所請故定前散後也付答分文初述序散前定後次正說十三下述正宗定前散後但次上是故示觀緣等顯序正不離意也○千鈞等者靈芝繹意也爲小事不作大事證也定機是少分也散機漏故佛限定機不可說大事經故定散俱答也釣秤量名也玉云釣古純反三十斤准之千鈞當三方斤言

三萬鈞金納弩也弩者玉云弩奴戶反弓有臂也○麤鼠者玉云麤下雞反小鼠也齧毒食人及鳥獸皆不痛今之耳口鼠也○智論等者佛欲說般若微咷然咷有五種今第一歡喜微咷也○見異事者竒異也○今此是等者言說諸法實相事時所化歡喜而微咷欵又能化現微咷事如大經諸根悅豫云○無字無名者假名云字實名云名也○依此二請等者別所求別去行云二請顥二尊本意云廣闊等也○又天台云等者上義二請成閑淨土門緣起故佛微咷今義父王得道丈人觀法果成此二契佛意故微咷是別釋故置又言也文有問答父王增道夫人果成云解有二父王見光增道

之時無漏發得故云知國非實等也初標父王增道次  
標王夫人相見次王既下釋初義次夫人見王下釋第  
二義此有二義放光也次釋微妙初先舉例證次王雖  
下釋今例者釋種爲瑠璃王被害佛光色顯正知無目  
果遞也今王丈人雖難值王增果夫人開淨土故微妙  
有也○觀法果成者妙宗鈔云觀法得果者無生法忍  
是圓三觀習果故也上○如釋種等者彼瑠璃王害釋  
種佛不憂現微妙相此寔因果故也是以爲今例父王  
雖可死願不致憂現歡喜相微妙瑠璃王因果者波斯  
匿王請淨飯王女欲爲君淨飯王歎云令婚者汙我種  
不婚可打我群臣議云臣下女号王女遣生太子号毘

瑠璃送是淨飯王官令學王法諸釋種輕之依之結怨  
多年父不許故父詣佛所時自即位起四兵向迦毘羅  
城取釋種九千九百九十万人放醉象令驚歸本國過  
七月王及兵衆身壞命終墮阿毘獄佛言過久遠此羅  
閱城有大池魚多饑世城內人民捕魚食之有二魚  
一名釣鏃一名兩舌相語云我等無過人民殺食若我  
等心中有微善未來可報此忍彼時人民今釋種是也  
釣鏃魚今瑠璃王是也兩舌魚今好即王是也好即王  
者瑠璃王惡事同意王歎是增一阿含意也云○獲道  
迹者對佛道曰果名迹言因如足果如迹也又第三果  
云道迹者行相義即振舞也○妙宗等者惡業言通父

王丈人害命別約父王繫身別約夫人獲果是父王益淨土緣夫人益害命繫身是惡因果獲果淨土是善因果一身上備善惡因果故云交互又以害命繫身因由而顯獲果淨土果故云善惡因果交互數有云獲果者坂下韋提無生也或父王第三也○靈芝云等者藤田約文段故云後余時世算即便以下父王證果段也故云獲果其中今先釋微咲故云中初上現土本意爲令選西也如佛意選取故微咲有也正觀記云佛咲中光臺現土意在極樂韋提選定宜契佛懷嘑啄同時機應一降大事顯影所以發咲潛通即機投於佛蜜應即佛應於機不謀而合故云潛密已此中不謀而合者佛現

諸土似任夫人請然佛意在極樂丈人選定極樂也故云合也嘑鳥子鳴也啄鳥母知時壞死也○一降者機佛同時義也○有五色光者要集云舌上五色猶如印文咲時動舌出五色光也○遍色身三昧等者爲現五角光明入定故定名遍色身也○從佛口出等者准今釋云先從口出益二乘人可說頻婆娑羅王得果故論依此文釋頑婆得果云靈芝引觀佛經云諸佛常法定咲必有五色光從口出光照王頂佛力加被令增道果比今記引用亦此義也又觀佛經說淨飯王名父王故今亦可尔故安樂集云淨飯王云然淨飯王大乘機故可合華嚴口放若干光明照十方菩薩文○答夫人

等者問今文佛口光任運照小機何云將護乎

告

口光任運照小機中別益父王爲將護夫人故無其違

耳○因緣和合者父王歸佛因夫人戀心緣也○華嚴

二十九等者所引文違今書々々定可有所依經々異

說不須和會云問足下光照獄懸光照畜等次第是

爲一徃爲再徃

答佛德難思義推難當云○住九地

者三賢至第九地也第十地云道位此中有補處位故

別云得位菩薩也○諸佛大會者諸佛大會可通淨穢

土也○若記地獄等者問爲成佛記答隨機不定

或記出獄未來成佛或記出獄受人天報餘趣授記准

之可知云問照益與授記差別如何答佛別記未

來畢名記宣蒙光照免苦名益又授記即得益故此記

益一也云

問菩薩記佛記何別答於成佛記舉目

果名非授記躰有差別耳又天台云三教佛果屬菩薩

界圓教菩薩即屬佛眾矣是權實差異也云○丈畧也

者華嚴大論等皆有天益然今文無自然畧也云又寫

錯欵疏記釋普賢云十地但斷十二品盡上惠心唐決

云可云十地但斷四十二品盡比是書寫誤例也云○

又憬興等者上義者見光眼見々佛心眼云興師意雖

肉眼曰佛力尚見佛況心眼乎言眼見佛故心眼開半

經說心眼略眼見邊云○問父王可聞等者問意雖隔

壁既見佛亦可聞十六觀乎也答中初恐慮無經說次

但下引證○但靈芝等者序頻婆見佛得果故至正宗可聞此經然得益中不舉頻婆中間入滅故也○正觀記等者得益文也不叙頻婆即知序中證果即滅涅槃經過七日命終今經頻婆證果時也又一義云彼雖不歸藏尚兩處障亦王即小機故若非密音豈得必聞乎云○問涅槃經云等者涅槃經阿育王經云初果今經云第三果故問相違也見諦處者見道位見未曾有諦理故云見諦處也又初果位以心眼見四諦法理故云法眼云荅意父王本證小果故二經說父王初果進證那舍故今經余各據一義並不和會此是下會涅槃經言今經者是密益故耆婆不知故云殺初果故無相違

云故淨影下引諸師釋證今義道問阿育王如來滅後一百年王也如何荅說未來事預堅王即聞得初果也○返鹿離垢等者坂下問父王八万四千天王無量娑羅門同證初果何各別舉乎荅所得果雖同能得人各別教各々舉之○太子等者藤田言太子踰城出家學道等太子是淨飯王兒故云王兒也○王則等者言成佛時頻婆沙羅王將眷屬奉迎佛々路次說法頻婆聞法得初果也問父王本證初果何殺仙及菴半荅殺仙及菴時分若是佛成道前無其相違若成道後極難不通也若是父王雖證初果未斷欲眾恩惑故居在家行殺生歟例如在家初果一夜八十罪犯行

姪罪耳○問王前初果等者問依俱舍本斷超不許聖後趣故難父王超果也○凡言超等者聲聞斷道即有次第超越二途先次第證者三賢四善根位伏見思見惑斷位於四諦下修十六行相謂八忍八智也前十五心名見初果向第十六心斷見思盡名初果也初果位重意思惟初斷思惑至欲五品斷名第二向也六品斷第二果也至八品斷第三向九品斷第四果也初凡一品乃至有頂八品斷第四向也盡有頂九品名第四果付之毘曇成論異義有之俱舍云無間道斷解脫道證也成實云無間道伏解脫斷證也次超越證者見道以前於內外二九佑起有漏智先斷思惑於中則有欲一

品斷乃至下八地斷者此後起無漏智入見道時隨思惑本斷分十五心間名爲第三向謂一品斷乃至五品斷五人名初果向六七八品斷三人名第二向第九品斷乃至下八地斷六十四人名第三向此三類出第六心時如所應成前三果也故俱舍頌云名隨信法行由根鉢利別亦修惑斷一至五向初果斷次三向二離八地向三至第十六心隨三向住果名信解見至亦由鉢利別上釋云隨信法行由根鉢利別者見道位中聖者有二一隨信行二隨法行也由根鉢利立此二名若鉢利者名隨信行彼於先時由自拔闥契經等法隨行義根者名隨法行彼於先時隨信他言而行義故若利

故名修惑斷一至五向初果者即前二聖於見道位立爲三向此是初向也謂於先時未以世道斷修惑名是縛人也斷一至五者謂先九位以有漏道斷修惑一品乃至五品此爲五人兼前具縛爲六人此六人至見道中名初果向起預流果故斷次三向二者第二向也謂於凡位斷第六或七八品名或次三謂前五品次三品故此有三人此斷次三至見道中名第二向趣一來果故離八地向三者第三向也謂先凡位斷欲修惑第九品盡或盡初定一品乃至斷無所有處惑盡名離八地此有六十四人謂斷欲第九品爲一人斷上七地各九品惑各有九人七能六十三兼前一人成六十四人此

六十四人至見道中名第三向也趣不還果故隨三向住果者前初向六人至道類智住預流果前第二向三人至道類智住一來果前六十四人至道類智住不還果也名信解見至者此住果人若鈍根者名爲信解若利根者名爲見至前隨信行今名信解謂由信解故勝解等類名爲信解前隨法行今名見至謂由向見得至果見故名見至此二聖者信惠互增故標信解見至名別也○至道類智等者八忍八智中第十六智也八忍八智者俱舍頌云世第一無間即緣欲界苦生無漏法忍之次生法智次緣餘界苦生類忍類智緣集滅道諦各生四亦然如是十六心名聖諦現觀此惣有三種謂

見緣事別已釋云從世第一善根無間即緣欲界苦聖  
諦境生無漏法名苦法智忍苦忍無間緣欲界苦諦次  
生法智名苦法智此智無間次緣餘界苦聖諦境有類  
智忍生名苦類智忍此忍無間即緣此境有類智生名  
苦類智緣苦諦如有此四心緣集滅道各四亦然謂苦  
類智後緣欲界集諦生集法智忍此忍無間生集法智  
此智無間緣上界集生集類智忍此忍無間生集類智  
此智無間緣欲界滅諦生滅法智忍此忍無間生滅法  
智此智無間緣上界滅生滅類智忍此忍無間生滅類  
智此智無間緣欲道諦生道法智忍此忍無間生道法  
智此智無間緣上界道生道類智忍此忍無間生道類

智故於四諦各有四心成十六心苦法智忍者苦法是  
苦諦法忍緣苦法名苦法忍皆是忍累是等流果智唯  
無漏爲顯此忍亦唯無漏舉彼等流以爲標列故忍爲  
智者得果爲名也如華果樹々非華果生華果故名華  
果樹忍亦如是生法智故名法智忍苦法智者智緣苦  
法故名苦法智前忍斷惑名無間斷後智證滅名解脫  
道苦類智忍及苦類智者此境智與前相似故立類名  
故論云最初證智諸法真理故名法智此後境智與前  
相似故立類名如苦既尔餘集滅道各有四心唯斯理  
釋恩而可知此十六心惣說名爲聖諦現觀謂在現前  
觀聖諦故此有三種一見現觀唯無漏亦見諦分明名

見現觀二緣現觀此無漏惠及相應心々所法同一所  
緣名緣現觀三事現觀謂前相應及餘住有同一事業  
名事現觀余俱有智謂聖共戒及生等四相俱有因故  
名俱有也又論云明得苦法智忍者名入正性離生見  
所斷惑令諸有情隨在惡趣受諸劇苦猶如生食在有  
情身作苦惱事故名爲生或由見惑令諸善根不得涼  
熟故名爲生見道能越故名離生言正機者所謂涅槃  
見道能證名正性離生正性之離生依主釋也或此見  
道即名正性聖正性故正性即離生持業釋也又此見  
道或名正性決定謂定取涅槃故或支了諦相故名支  
定也若正性是涅槃即正性之決定若正性自見道正

性即決定二釋同前苦法智忍名爲入者寂初入故云  
得名也光記云唯無漏患於諸諦境見現分明名見現  
觀心々所法是能緣境是所緣心々所法同一所緣名  
緣現觀或心々所取境分明與現觀々同名緣現觀事  
謂事業至謂諸能緣及俱有法六因中俱有因同事業名事現  
觀上已又言忍智差別者頌云忍智如次第無間解脫道  
已釋云忍是無間緣約斷惑得不爲惑緣之所障導故  
名無間智是解脫道已解脫惑道又與離繫得俱時起  
故名解脫也忍智次第理必應然猶如世間駢賊閑戶  
忍如駢賊智如閑戶也離繫得者繫煩惱名也解脫煩  
惱得解脫道性相意得通善惡諸法也於十六心明見

修差別者頌云前十五見道見未曾見故上釋云除道  
類智前十五心名爲見道於四諦理未見未曾見々未  
曾見故得見名至道類智無一諦理未見今見如修曾  
見故修道攝問如道類智是道諦理此道類智緣道  
類忍於道類忍未見今見何故道類智非見道攝答  
此中約諦不約剎那雖於道類忍一剎那心未見今見  
於上下八諦皆是已曾見故修道攝如剎那唯餘一  
穗不名爲此畦未剎問忍於諦理未見今見可名見  
道中間七智已見今見何緣七智亦見道攝答智諦  
未盡中間起故名見道攝也云  
問捨異生性得聖人  
性爲世第一時爲見道位答光記云生謂煩惱故婆

娑云復次見所斷惑令諸有情墮諸惡趣至此惑說名  
爲生見道能滅故名離生復次有身見等剛強難伏乃  
故說名生見道能滅故名離生比此華釋捨凡夫性事  
見道位也又婆婆論第三云有餘師言世第一法苦法  
智忍更互相資捨異生性比又有異師釋俱舍論云有  
余師說世第一法捨異生性比此釋同大乘意世第一  
位無漏前相故欲聖道既現前譬如有欲日出時衆闇前  
減雖不現日輪衆闇既除明相現時不可名夜闇是日  
中攝此第一亦如是聖道既欲熟無漏聖火前相何不  
捨異生位故失凡夫名事可在世第一云  
問忍智見  
三同名惠意如何答俱舍頌云聖惠忍非智盡無生

非見上聖惠忍智後見道中入忍也是忍非智性智者名受斷忍起時惑疑值俱未受斷究竟故不名智盡智無生智名不爲見今者推度義也故盡等二智既無求心非推求推度故不名見無學位成斷證竟是名盡智更若知無苦等義知之名無生智也故此二智無求智故闕推求義故不名見也○答聖教等者答中有二義初順問定父王本是初果而成父王聖後速疾超義次違難父王定凡夫而成王超證果義證中爲二初屬難勢於一途立聖後超道理引諸文二然影下准諸文述父王證果○俱舍等論等者初果聖人初也初果以後有超果義名聖後超本於凡地漸思惑超初果等名本

斷超也○唯識十等對次第及本斷超云一類此人見道已後初果位於九地九品上合斷乃至合斷下中有欲惑故無二三果合斷下今惑時超中二果證第四果也是云類裹斷名超中二果也云○廣章者慈恩大師作一卷文也未見其文言聖者總有三類一次第證二超中二果三本斷超也於中本斷超證不證初果故得初果者次第超中兩類也○極七反有者頌云未斷修惑失住果極七反比是住預流果令未斷修惑受欲七生者名極七反有論云極言爲顯受生最多非彼預流皆受七反比雖未斷修惑非必皆受七生受一二三生等皆云極七反有然約受生最多名極七反是人天合

受七生也此人必第七生斷修惑盡得羅漢果般涅槃也七生者九品惑力令然潤七生也頌疏云且上々品惑能潤兩生上中上下中上各潤一生中々中下合潤一生下々三品共潤一生比寂上根人不經一生斷九品惑下根人中或一生斷或二生斬或三生或四生或五生等或十生斷此經生間無漏智成熟寂後生時無漏智發斷三界惑般涅槃也天中得初果人中般涅槃人中得初果天中般涅槃無漏智發斷三界惑或次第斷或類聚斷故云容是次第超中二果兩類人也若大乘法相意不許分品潤生所以然者若上中上下中上各潤一生中々中下々上各潤半生其勢力既無差別故

九品煩惱互興力潤七生也但九品七生相對論生數不同有惣別義惣定之者上三品潤四生中三品潤二生下三品潤一生半也勝劣是不同也別論之者於上三品前一品等後二品所謂上々潤二生上中上下共潤二生中上潤一生中々中下共潤一生下上潤半生下中下々共潤半生是約未斷如是定也若漸次斷時上中上下各有潤半生之力被七品斷八品斷一間同潤半生即此意也云家々一間者頌云斷欲三四品三二生家々斷至五二而斷六一來果斷十品八品一生名一間此即第三向斷九不還果釋云初兩句明家々下兩句明向果即預流聖者遮斷修惑若三緣具轉

名家々一由斷惑斷欲修惑三四品無故二由成根得能治彼無漏根故三由受生更受欲三二生故頌中說初後二緣不說成根者預流果後進斷修惑諸無漏根理必合有義准已成故頌不說言斷欲三四品受三二生者若斷三品名受三生若斷四品名受二生謂九品感能潤七生且上々品能潤兩生上中上下中上各潤一生中々中下合潤一生下三品惑共潤一生既上三品能潤四生故斷上三品四生便損名受三生既言中上品潤一生故斷中上品復損一生前斷三品已損四生今斷中上復損一生故斷四品總損五生受二生也問何故無斷一品二品五品名家々乎 呂必無有

斷一品二品不斷三品中間死生無斷五品不斷六品而有死生謂由聖者得初果已斷欲修惑起大加行必無未斷一大品結上三品名一大品也有死生故斷一品二品必斷三品已斷第五品必斷第六品者謂斷第六品證一來果以無一品能障得果故斷五品必斷六品 問若無一品能障得果何故斷第八品不斷第九有死生乎答以斷第九一即得果得第三果也二復越界越欲界也由越界故第九品感障不還果斷第六品雖即得果而不越界故此一品不能障累應知惣有二種家々一天家々謂欲天處生三二家而證圓寂或一天處或二天處或三天處受三二生二人家々謂於人趣生三

二家而證圓寂或一州處或二州處或三州處而證圓寂若天家々天三人二天二人一此天家々人中得道若人家々人三天二人二天一此人家々天中得道且天家々天三人二者謂於人中得見道已斷三品惑從此命終而生天處受天一生又從天死來生人間受人一生又從人死而生天處受天一生並前一生名爲二生後從天死來生人間受人一生兼前一生名人二生又從人死復生天處更受一生並前二生名天三生故天三生人二生也於第三生斷煩惱盡證阿羅漢天三既爾天二人一及人家々人三天二人二天一准前說之斷次五向二者謂頑流果進斷欲界一品修惑乃至

五品名一來向趣一來果故斷六一來果者前斷六品成一來果彼雖天上一來人間而般涅槃名一來果此亦名曰薄貪嗔癡也已斷上中六品重貪嗔癡唯有下三品薄貪嗔癡故也斷七惑八品一生名一間者一來聖者進斷余惑若三緣具轉名一間一由斷惑斷欲修惑十八品故二由成根得能治彼七八品惑無漏根故三由受生更受欲有餘一生故須中但說初後二緣不說成根義如前繹 問云何第九一品惑障得不還果荅斷第九品越欲界故前說三時業障中欲界地業障不還果應知煩惱亦與業同謂得不還果越彼第九品惑等流果及異熟地故一品惑障得不還果一間者

間謂間隔爲有一生爲間隔故不證圓寂或有一品惑爲間隔故不得不還果由此二義名一間也此即第三向者即此斷七八品惑名不還趣不還果故斷九不遷果者即斷第九品惑得不還果必不還來生欲界故也云此欲界經生聖者全不生上二界故頌云經欲界生聖不往餘界生上釋云若在聖位經欲界生狀欲界生狀苦心強必不往上色無色界證不還已定於現身般涅槃故若於色界經生聖位者容有上生色界義色界無苦厭心劣故容生無色天云○小分斷等者斷欲三四品斷七惑八品名小分斷欲惑故三界惑不可有類聚斷義○超次者超越證名超次越次第故此超越

證有漸頓二本斷超名漸斷煩惱九品次第故超中二果名頓合九地斷故○漸即凡夫者是釋本斷超○倍離者離欲六品惑故名倍離○全離者離欲九品也此見道以前以有漏智先斷思惑於欲界九品六品七品斷八品漸云倍離全離可兼下八地斷所以然者欲界九品斷上可斷上七地故云全離欲兼下八地斷也問欲九品斷乃至下八地斷何同證第三果乎 者若約次第證者九品斷第三品斷初禪以上惑第四向故頌云斷初定一品至有頂八品皆阿羅漢向文未發第四果昇進道見道位第三果昇進道也故見道名第三向頌曰離八地向三文故於十六心唯證第三果也但

欲九品斷第三品斷上八地遲可證羅漢下八地斷無  
三果唯斷悲想九品疾可證羅漢以之爲別○寶師者  
玄奘門徒俱舍祖師也此釋亦明超中二果也○又止  
觀等者上來廣引聖後超文今引止觀示四超義四中  
初本斷超後三次第得果速疾名超非是超果斷證義  
耳○得非想等者凡地斷惑法得上界定々惠相應斷  
下地惑故俱舍云離下地練必得上故文謂得初禪近  
分定斷欲界惑乃至得非想定近分斷無處有處惑起  
無漏智下地定斷非想惑云言得初禪近分定斷欲顯  
乃至得非想近分定斷無所有處惑有頂上無上地故  
無能治定也○以世智者有漏觀智也是六行觀也俱

舍頌云世無間解脫如次緣下上作鹿苦障行及靜妙  
離三文言世謂有漏道也有漏無間道緣下地境若無  
間道中緣下地法爲鹿苦障三種行於三行中隨起一  
行相也非寂靜故名鹿非微妙故名苦非出離故名障  
靜妙離三翻之應知云○多少者於九品中約六七八  
品三人云多少九品斷上云或得初禪故五品斷已下  
無超過義故多少者唯可三人云○隨本斷者六七八  
品斷云本斷超初果云超果也○未得初禪等者簡異  
本斷超言小超者凡地未得初禪斷欲惑十六心滿無  
漏智兼速斷欲三兩品惑名超又十六心後更發有漏  
智兼斷欲三兩品歟○三兩品者止觀云若超斷至第

五品名家々文弘安云小超之人本在凡地未得色定  
或修欲定欲惑未斷此入至第十六心超斷五品名爲  
家々此之五品同四品故隨其本斷品之多少得各家  
々文准五品斷云三兩品余此釋辨家々因畧一種子  
曰但此釋違俱舍已斷第五必斷第第六定判云又依斷  
欲三四品三二生家々○斷七或八品一生名一間頌  
文略四字飲具足應言三四兩品三四品斷家々曰故  
七八兩品一間曰故一間一種子是異名也一間名生  
果一種子名惑因也大超大々超差別者大超聞法唯  
斷正使證阿羅漢大々超佛無師獨悟正使習氣住居  
盡成覺云問佛菩提樹下一座成覺入見道八忍八

智斷三界見九無導九解脫斷九地思三十四心斷惑  
成佛何云一念乎 答捐盡處一念數又三十四心念  
々對餘惱云一念數又大乘意一念斷證耳 問有何  
所由必起三十四心乎 答小乘菩薩三無數劫間修  
行六度斷煩惱下八地修惑及見思習氣於自位間斷  
之然三界見惑有頂九品思惑此未斷故云因時未斷  
望成佛期三十四剎那斷彼見思成等正覺見道有八  
忍八智故合十六心也斷有頂修惑有九無導九解脫  
故二道合二九十八也並前見道十六心三十四心也  
此云三十四心也惱付見修二道廣論斷道所治惑有  
八十一品故能治道亦八十一品也合見道八忍八智

八十九也俱舍頌云地々失德九下中上各三已上言失謂退失即所斷煩惱也德謂功德即能斷道也於九地中地々修惑各有九品故九々八十一品也其能斷道地々亦有九惱有八十一品無間道八十一品解脫道失德各九事根本品有下中上此三各有三故成九品也且下品三者謂下々下中下上也中品等三准之可知於中下々品道斷能斷上々品障乃至上々品道能斷下々品障譬如浣衣位鹿垢前除後除細垢自法力強譬如長時集處大闇一剎那間小燈能滅此失德相廣通三乘也乃至斷最後品惑能斷定名金剛喻定唯一座成覺義不通聲聞也但佛緣覺也問三十四心

斷縕成道一座成覺同異如何答各別也一座成覺時節尤長三十四心時節短故三十四心如今一座成覺者菩薩至燭法位入定不出此定即至菩提故入定一座成覺也緣覺唯之可知又有余師意忍法入定乃至成佛不立座也云○豈無里數者文意於修行人雖有違疾不同於所行道里數必同能證人雖有頓漸差別所證法體必經各々位也法譬以此應知○然影堅等者言父王本是初果故非本斷超只是聖後速斷欲惑故名超證第三果也○如彼等者彼從凡地至第四果此從初果至第三果去處至處雖異類例速疾義邊云問父王本初果者今釋流轉生死云何會之流轉

生死必約屏沉初果聖人離三途生何云流轉

答王

本初果離惡趣而在家聖者犯三毒等故約犯罪云流轉欵又初果位可受欲界七生故云流轉生死有何妨乎○又父王等者前義意父王本初果聖者今證第三果名超今義意父王從凡夫地超初二果證第三果也前依故云超證謂父王凡夫見佛他力速疾超證第三果也前依鈍經及諸師釋且改一義今依此經及證定疏存一義也涅槃經證初果者經々異說也今經釋不云初果故云問縱等者言初二果聖者有欲惑故欲界受生設雖初果聖者何不云流轉乎答牛初遽流轉生死釋屬聖者謂流轉釋約犯戒果何約聖者所經

人天善處初果聖者既斷見惑離惡趣生何畏惡趣可受八戒又擬資下設難初果離惡趣故不可受戒故爲人天因受戒者定共道共戒力任運引人天果何爲其曰受八戒乎若爲證果須勵有漏無漏定力何仰散善八戒功力○何況大師者以玄義推今謂玄義破他師中上品三果釋言前三果人與我同座解脫床文父王初果坐解脫床何宗家云中間失念流轉生死知父王本凡夫位也今見佛頓證三果云○又疏鈔等者引疏鈔中先直釋指天台疏云疏云等次問答今引興釋中先舉有釋次私云下示自義意與有釋中有三義別初有云意今經所說成阿那含是向非果生欲大故七八

本斷故有欲一二品斷尚生欲界天是當一間聖者第二義意觀經云成阿那含者今世成第三向生天成弟三果合二世向果說成阿那含也第三義意觀經可云成那含阿字筆授者加也那含向云那含向指初二果云下父王住初果進向第三果云那含故生欲天無失○最勝尊者毘沙門前向生天後果二生合說成阿那含○舉國等者言父王滅日國人舉終憂憐踊王起後即證第三果云得道迹々是果義也後有云中初直釋次問答初意依涅槃經父王初果非第三果阿不義故阿那含翻不還父王生欲天故今經應言增成那含然置阿字執筆錯也○若更等故欲界受生云受身者不

還欲界云不受身阿那含向云那含向指二果初果云下也○今經等者涅槃今經一意料簡第二果向初果攝故涅槃約果云殺初果今經約一來向云進次問答中有二意一餘經亦有阿字何今經屬謬指本生經云此經也二本生經時成那含此經腹何成同那含次答亦有二初會初難言如一大吠影方犬傳音一經既錯多經亦錯有何疑斷六下會次難言一來向有五品斷前斷二三品惑後斷四五品惑前後斷同那含故二經亦同言成那含有恠乎云○婆須密多者未檢云○私云諸經等者是示自義中初遞第三義只是下述義道中初經々異說不須和會又須達下更示別義謂須達

等證第三果還生欲界父王亦尔隨自下舉例成今第  
三果人雖不可生欲界而生欲界有何妨乎但不還聖  
故自在生非實有業生又爲令第三果進入第四果畏  
說三果生欲界歟如彼六住退畏地前也云問優婆  
鞠多在付法藏滅後百年出世證第四果何云第三果  
乎 呂極難若是同名異體歟又生欲界證第四果有  
何妨○隨自意三昧者南岳作一卷也得小乘第三果  
人得第四果無生法忍以之不還生欲界例也依天台  
無生法忍初地也○得第三果等者 問第三果未盡  
惑何得無生法忍乎 呂最上利根機故第三果位有  
三界不生義歟▲本 二從爾時等者分文爲三初述

大意二此明下因述佛語有無三言爾時下正釋牒文  
▲本 但中間等者通伏難々之意言若非佛說中間  
言說何人說遍意可知▲本 現國等者等取別所求  
別去行父王光益 問阿難初果未得他心何知父王  
得益說之乎 呂阿難佛侍者得佛覺三昧尚說未聞  
經何況今蒙佛加知之有何妨乎又結集時證第四果  
故知無妨者也云▲本 告命許者初名告命汝今知  
不下至般若名許也但許說義正當我今等二句云○  
例如上云等者有慰問例證也謂父王禁門時已遣阿  
難慰問父人况夫人被禁定可有慰問也○今釋異常  
等者前後釋先略釋次廣釋也然今正明等略釋此明

已下廣釋然唯釋佛語有無故重牒等廣釋也。○天台云等者文有問答各有二義初觀成々不遠義陀隴宿願力名佛力次約釋迦光臺現國成不遠義釋尊神力名佛力耳。○又群疑論等者且十種不遠謂一佛力不遠二方便不遠三應現不遠四自心不遠五守護不遠六有緣不遠十本願不遠八來迎不遠九徃生不遠十不放逸不遠一佛力者經云以佛力故當得見彼二方便不遠者經云有異方便令汝得見三應現者經云阿彌陀佛住立空中四自心者經云是心是佛是心作佛五守護者有經云常來至此行人之處六有緣者經云有緣衆生皆悉得見十本願者經云宿願力故有憶想

者必得成就八來迎者經云與諸化佛來迎此人九徃生者經云如彈指項即生彼國十不放逸者如涅槃經云夫放逸者雖得近佛及佛弟子猶名爲遠今但能惠心不行放逸即名近佛不名遠也具此十義故名不遠云云取意略抄以此十義對今三義初七義授今第三義八九二義攝今二義第十不通惣今第一論十義中無之也○詫境而轉等者轉起也言心々所法詫境而起也又轉者移轉也言心々所法移轉多境也○我々所等者自名爲我他名我所俱是所執也攀是能執下思慮也緣是所緣上我々所也又心名我心所名我所心々所合爲攀附緣所緣也○正觀時等者言正觀時安住心

於淨土境云繫心於境是起行心故非是三心也云  
○今釋意等者依今釋意者語者也依淨影釋者人者  
也又依今釋指修觀人名者無違若然人者也云謂依  
宗家意繫念諦觀彼者修觀行也淨業成者者修之觀  
益也謂觀彼國云諸觀彼國依觀往生業成云淨業成  
者淨影意繫念諦觀能觀相也彼國淨業者者所觀境  
也境中依報云彼國正觀云淨業成者也○佛菩薩等  
者第九觀二菩薩觀也三品者三輩也普雜二觀有多  
佛菩薩云等欵又向上等幾○其例蓋多者當卷上釋  
起化處舉一經大意乃至釋是諸佛土丈述我今樂生  
意等此例也○預述下意者又一義云我今等文含意

觀機口許說然許說義文顯畧述意觀機云此明等韋  
提偏諳定漏散機故云機緣未具等也云○凡觀機等  
者第一觀一經機第二觀一代機第三盡未來際如其  
次第自校之寬也○一諸經等者佛欲說經觀一經所  
被機名諸經觀機也○如法華等者法華經序有六瑞  
謂說法入定兩華動地衆疑放光其中入定廣觀一經  
所被本迹二門諸機入定者入無量義處三昧也今經  
化前觀定散諸機當緣別觀未來散機也○二道樹等  
者初成道時菩提樹下廣觀一代所被機也法華說初  
分華嚴時分云於三七日等○五十七日等者經說三  
七日論述五十七日是並赴機說也慈恩物料簡章云

智度論云初成道竟五十七日佛不說法有人解云即五十箇七日與十二由經一年不說法同也又大莊嚴經云七夕四分云六七月五分云八七日婆婆云四月皆是隨機說耳又惠暉檢契經云佛二月八日寅時成道也至八月不說法然於後至鹿園說法云○三法身地等者且依台家別圓二教初地初住名法身地此位始證真如時得三世了達智觀察未來所被機緣也○自本地等者法華疏也且居迹門遠指本門實證初住位云本地真因又對十信似因初住證真如云真因歟指一代云今日彼土得聞等衆機云未來等云○又佛等者上來廣辨三種趣機自下別述應佛日夕六時照

機○心隨遂等者所化機名外緣能化佛心隨遂所化得隨下述隨遂相攝化自在名隨意事設遇違境不生嗔惱緣四顛倒達不淨等不生貪等又能化心隨遂所化設隨緣法所化衆生得隨意事不生嗔惱得四真諦不生貪等云經○廣說衆譬者問廣說法譬何偏云譬乎答舉能譬而令知所譬如法華譬喻品等○問散善等者問意經文定通在世未來局未來故致此問答意欲界散地凡夫設雖在世何無散機依此理許在世散善從生義但今下會當處經文亦非下於在世滅後定散從生成其別言在世定機多散機少故佛意定爲正散爲傍滅後散機多定機少故佛意散爲正定爲

傍若依付爲佛意正在本願稱名○又靈芝等者此釋意攝未來散機爲佛本意謂亦令未來正彰攝機本意非止韋提當機云○千鈞等者以千鈞金所造弩欵千鈞量即當三十斤王云鈞古純反三十斤也弩奴戶反弓有臂者也麤下雞及小鼠也蠱毒食人及鳥獸皆不痛今耳口鼠也○魏志者外典文也○万石者石是斛也可入万斛米等大鐘欵又以万斛價直所造鐘欵又石是瓦石也如磬等以石造故祇園寺頗梨鏡等其證也但万字難消歟聖意以蓬撞打大鐘不可鳴法可知云○三千斤者十六兩爲一斤々々六十四錢也三十行一千九百二十錢也云○如來設教等者述正彰本

意等意也問誦經中爲一機一緣設化如何答今繆且對此經說不遽餘經一機一緣設化云○▲本機緣未具等者許說韋提定云廣說衆譬此定散機漏故云機緣未具等引上下亦令未來世意云佛更觀機等是即說廣說衆譬佛意爲言亦令未來世也故釋居廣說衆譬句述亦令等意也▲本舉機等者未來凡夫云舉機欲修淨業云勸修得生西方云得益因韋提請自開散善云此明等非言韋提請散善也▲本一切衆生等者問念佛本願行定散非本願行也定散外有念佛機是以選擇以念佛行定散外名弘願行若余可云機有三種何限二種耶答願非對以念佛雖

置定散外論其機根不出定散是以今家依今經以下  
輩念佛即屬散善依他經判念佛定行感師亦判念佛  
三昧通定散今念佛撰定散中云機有二種俱選擇依  
付屬釋惣別判計也非言念佛離定散內故次上文下  
輩念佛撰散善中云有云此經說定散爲取機非定散  
獨生淨土定散共依念佛生故云今云善躰真妄妙有  
淨土佛果修因依之彌陀對修善人發來迎願故經釋  
判諸行各生向違背云諸行不生又定散共依念佛生  
何處文乎所詮不知非本願諸行往生義故迴丈理云  
諸行不生云▲本如來方便者問淨土教門真實  
說故諸佛證誠何云方便答覽散機自閱散善云善

巧方便也非對真實名方便耳○文言惣畧等者於三  
福行經合爲三釋開爲四今釋云何名三等者先舉經  
文然經說明故唯言一者孝養父母略二三也即有其  
四下顯開義謂開三福爲四一孝養等二受持三歸等  
三發菩提心四深信因果等也下有一二三四言故云  
起盡可見也○然經合等者於行福有四經合爲第三  
福俱大乘故也○俱大乘故者問行福四句中余三  
種大乘也深信因果可通大小何云俱大乘故乎答  
今九品中以深信因果不別立上中品加解第一義上  
下品合音提心且約此義云俱大乘故不遮道通小乘  
問深信因果亦可心何限菩提心云心行別故乎答

於大乘中以菩提心爲安心篤屬行也且約此邊數○  
如俱舍等者是明四生託生緣於中初一句述胎卵二  
生次一句述濕化二生頌疏九云倒心者此明中有先  
起倒心馳趣欲境彼由業力所起眼根雖住遠方能見  
生處父母交會而起倒心若男中有緣母起愛生於欲  
心若女中有緣父起愛生於欲想到由起倒心便謂已  
身與所愛合所泄不淨流至胎時謂是已有便生歡喜  
此心生已中有便浪受生有身若男處胎依母右脇向  
背蹲坐若女處胎依母左脇向腹而住若非男非女住  
於母胎隨所起貪如應而住必無中有非女非男以中  
身必有具根故然中有身或男或女後胎增長方作不

男不女是胎卵生濕化染香處者夫論受生皆須起染  
濕化無胎依何起染故說濕生染香故生謂遠真知生  
處香氣便生愛染徃彼受生業有勝劣香有淨穢若化  
生者潔處故生謂遠觀知當所生處便生愛染徃彼受  
生隨業善惡處有淨穢於地獄趣起倒心故亦生愛染  
謂彼中有或見自身冷雨寒風之所逼切見熟地獄情  
飲煥觸投身於彼或見自身熟風盛火之所逼害見寒  
地獄心欣清涼投身於彼文○又通四生等者上廣論  
四生緣故濕化約香處今論四生各有父母○如六欲  
天者頌云六受欲交抱執手咲視婬文釋云唯六欲天  
妙欲境中初二天形交成婬與人無別然風氣泄熱

惱便除非女人間有余不淨夜摩天衆纏抱成婬都史  
多天但由執手樂反化天唯相向咲他化自在天唯相  
視成婬隨彼諸天男女膝上有童男童女歎然化生即  
說爲彼天所生男女文○如頂生等者涅槃經三十三  
云施婆羅比丘優婆施婆羅比丘弥迦羅長者母尼杓  
陁長者母半闍羅長者母各五百子同於死生當知人  
中則有卵生濕生者如佛所說我於往昔作菩薩時作  
頂生王及手生王如今所說菴羅樹女迦不多樹女當  
知人中即有濕生劫初之時一切衆生皆悉化生上涅槃  
經十二云過去之世人壽無量時世有王名爲善住其王  
余時爲童子身太子治事及登王位各八万四千

歲時王頂上生一肉胞其胞柔軟如兜蘿綿細煥劫貝  
漸々增長不以爲患足滿十月胞即閼割生一童子其  
形端正乃至父王歡喜字之頂生文俱舍頌云於中有四  
生有情謂卯等人傍生具四地獄及諸天中有唯化生  
鬼通胎化二文釋云於中有四生者標數也於三界中  
生有四生也有情謂卯等者列名諸有情類有四種生  
卵生胎生濕生化生如孔雀等生從卵殼是名卵生如  
牛馬等生從胎藏是名胎生如飛蛾等生從濕氣是名  
濕生如諸天等者諸根頓具無而歛有是名化生人傍  
生具四者人傍生趣各具四生人卯生者謂如世羅鄧  
婆世羅生從鶴外鹿母所生三十二子般遮羅王五百

子等文解云世羅此云大山鄃婆世羅此云小山近山生故以山爲名婆論云昔於此州有一商人入海得一雌鶴形色儼麗竒而悅之遂生二卵於後卵開生二童子端生愍明年長出家得阿羅漢累大者名世羅小者名鄃婆世羅鹿母者是毘舍佉丈人毘舍佉是二月星名從星爲名此云長眷即功德生長也是弥迦羅長者兒婦右子名鹿故名鹿母從子爲名生三十二卵各生一卵般遮羅王有妃生五百卵生已羞耻恐爲災及以小函盛之棄碗伽河隨流而去下有隣國王因觀河水有函遣人攝取見卵將歸經數日間各出一子養大饒勇所生皆伏無敢敵者時彼隣國王與彼父王父大饒勇所生皆伏無敢敵者時彼隣國王與彼父王父

來恐雖欲遣征伐先作書告今欲支戰尋後兵至圍遼其城即欲摧破般遮羅王極大忙怖王妃聞委慰喻王言不須愁此五百子皆是我兒具陳斯事夫子母見思心安息妃自登城告五百子說上目緣如何今者欲造逆罪若不信者各應張口妃按兩乳有五百道乳注一口應時信伏曰即和好兩國交通各無征伐人胎生者如今世人々濕生者如鬘駄多遮臘鄃婆遮臘鶻鬘菴羅衛女解云鬘駄多此云我養是布利陀王頂駄而生顏兒端正王抱入宮諸宮人皆言我能養也故以標名舊云頂生此是義翻然非正自此王長大爲金輪王婆羅此云髀生鄃婆遮臘此云小髀於我養王兩髀之

上名生一胞々生一子從所生處爲名以小標別亦爲輪王鵠鬘者昔有一王名爲靜授於王腋下有一胞生々一女子名爲鵠鬘如鵠飛出王車如鬘故以爲名矣  
菴羅衛女從菴羅樹濕氣而生故從樹爲名人化生者  
唯劫初起傍生三種人所共見化生如龍揭路恭等解  
云此云頂璣亦名蘋刺尼此云妙翅舊云金翅鳥地獄  
及諸天中有唯化生者一切地獄諸天中有唯化生鬼  
趣唯通胎化二種鬼胎生者如餓鬼母自目連言我夜  
生五子隨生皆自食盡生五子亦然雖盡而無飽已○  
菩薩處胎經等者初引胎經後取集意成四生各有四  
生義初經意應化菩薩人中受生衆後身時以神通入

樂等四生斷煩惱云盡漏疾也化生已下述遲疾由利  
故疾也鈍故遲也就胎經有二疑一違俱舍謂云地獄  
中有諸天唯化生鬼通胎化二曾之異說耳二經不說  
入人四生故是不審也會之若入人可云五生人處正  
是後身菩薩當住故經不說云惣於補處有二生衆後  
差別上天前生受補處名二生補處約都寧名一生補  
處下天玉宮生名衆後身云後取集意胎等四生流轉  
各受胎等四生於成四生各有四生集引智論之可依  
經今如經者恐當彼經引安樂集則此義也云○又安  
樂集等者前義意三惡天爲有四生此四生各有胎等  
四生於云四生各有四生也今義意胎等四生流轉各

受胎等四生也故云四生各有四生也謂南洲胎生流轉五道受胎等四生卯生等流轉間受四生也五道合成四生非天鬼地獄各具四生云▲本相因而生者父母相因能生子也又自業目父母緣相因而生此身也○父之白滯等者言父母俱是能生緣也然分因緣且成人體用父白滯成骨爲親目母赤滯成肉爲疎緣云○又能生等者上述因緣義今述能生所生義故安又言非是述一躰兩義故置又言耳▲本自業識等者若依小乘第六識名業識是造善惡業故若依相宗第八識中有諸業種是爲因故云自業識也云▲本母懷胎等者文舉三苦惱謂懷胎十月苦產時死難苦三年眷育苦也深思可報者也○父母精血等者父母精血和合詫生或父精血詫生或母精血詫生云互有無又依父母精血託生名有不余化生濕生名無欲有無即成不成相也天爲淨相余爲不淨相歟精血者父自滯名精母亦母名血歟又精血共通父母有何妨乎○初入者中有入母胎云初入也○以蘓等者蘓謂生蘓此等皆是滑物類也○片々者切々貌也○諸患種々等者母病患等時難行婬不堪故不漏不淨也故生緣闕不入胎也○不入胎者在中有位雖有胎生父母可誣時節父母不行婬不入胎託餘人胎此子生後爲人養子養父母即中有所愛男女也云○柯羅邏者頌

云最初羯頰藍此云疑滑○次生頰部墨此云從此閉戶  
血肉閉尸生健南此云和合支節○如薄酪者

五味中酪蘿味形也藥杵者醫家造小白杵株藥今取

杵形也云○濕石者燒石形也○五胞開張者兩手二

足一頂相顯現也○堅實有門等者身堅實自大小便

道風吹入成腹中尔前腹中密合非空處也七孔者兩

眼兩耳兩鼻兩宍口也○母性改常者隨子成母心地

改本生又上十一七云常子正成時母苦止服本云常

歟○三支芻一百孔宍者此相難知大小腸有支節一

百孔宍歟○氣息通者受母氣有子出入息子母息故

云子息云○十四諸根具者二十二根中除信等五三

無漏根云十四根也仁王經云復觀十四根所謂五情  
五受男女意命等文○生皮等者問皮膚何別乎  
荅皮有多重最外名膚○以業力等者言前好醜未定  
二十七時形好惡取也○男面向內者男子於母生欲  
心於父生恚而託生故向內女子翻之故向外也○八  
種想者下引俱舍論一大風二雨三毒四嚴寒五大軍  
六密草等七妙林八臺殿云○五色別異者眼青白唇  
朱色等顙色也申兩臂者以前手覆面然今申兩手副  
足趣產門揭者王云耻臘反床狹而長謂之揭文○所  
以少四者三十八箇七當二百六十六日九月當二百  
七十日故少四月所以然者九月之中四箇月必應小

故半者九月中四月半也故云半小也○世教等者老子經等俗書名世教內教名經心地觀經云始自受胎於十月矣同偈云世間悲母懷其子十月懷胎長受苦文○孟蘭盆經新記者靈芝釋一卷也○死苦比丘者所據未檢云○老聃者老子也○又俱舍等者若增多者雖不具八種依惣別也又且約所入初云園林等約所居云勝林等故無繁重過問今八種想約入胎初上八種想約託胎已後第二十八七若余若二文相違如何○荅入胎初及託胎後如此生八種想有何相違或異說欵云○起倒想解者見大風等常顛倒提見妙園等樂顛倒提也○世間福田者能施云世間即

衆生世間也所施名福田即二種境也又世間是有漏義也三寶功德田父母恩田也○問病人田於今二種提不如何○荅今於敬田分二種除悲田歟○聖田者斷惑聖人也○和尚田者知僧尼犯罪故云知有罪知無罪也○闍梨者此翻親教此有教授羯磨二種授戒云教授說戒相名羯磨也一義云坂下阿闍梨有二種羯磨者授也羯磨授戒師也教授教威儀師也○僧田者元照云一比丘二比丘三比丘四僧又云四人已上和合名僧文四人已上和合即成說戒筆事身同住口同默意同忍戒同導見同解利同均爲六和合云○具如俱舍等者頌疏十八云第一明布施者論云何法名

施々招何果頌曰由此施名施謂爲供爲益身語及能發此招大富果文釋云由此施名施者由此無貪心及所發身語方能施財物故無貪等是真施體謂爲供爲益者謂爲供養饒益有情故行施也身語及能發者此明施具語身語業及此能發名爲施具言能發者謂無貪心及一裹心々所●此下第一明主異論云且由施主差別云何頌曰王異由信等行敬重等施得尊重廣受應時難棄果釋云主異由信等者謂施主異由有信等十種聖財差別功德也一深信二持戒三多聞四智惠五捨施六慇七愧或有具七或有不具故名主異施主與果俱有差別行敬重等施者等取自手應時無損

三施也若右施主具七聖財行敬重等四施能招尊重等四果謂若施主行尊重施感他尊重若自手施感廣大財愛樂受用若應時施感應時財所須應時故若無損施感難棄財不被偷劫及火等壞從此第二明財異論云由所施財差別如何頌曰財異由色等得妙色好名衆愛樂轉身有隨時樂觸釋云財異由色等者謂所施財或闕或具色香味觸故名財異謂所施財色具足故便感妙色香具足故便感好名如香芬馥遍諸方故味具足故便感樂觸具足故感柔軟轉身及有隨時生樂受觸如寶華果有減者由目闕故從此第三明田異論曰由所施田差別云何頌曰田異由趣苦恩德有差

別釋云趣苦恩德四田不同名爲田與由趣別者若施傍生受百倍果施犯戒人受千倍果是名趣異由苦別者謂七有福濟他苦故福不可量一施行路人二施羈旅客三施病者四施看病人五施寺園林六布施常食四國信士於遠絕處恐行侶飢餓造舍置財多貯飲食通施一切或有但標供出家者常施食故施常食七隨時施者於寒饑風隨時施彼故由恩別者如父母等得万億倍果由德利者施持戒人得億々倍果乃至施佛得無量果從此第四明施福最勝論云於諸施中最勝者云何頌曰脫於脫菩薩第八施寂勝釋云最勝有三一解脫人施解脫人其福最勝二若諸菩薩所行惠施

是普利樂諸有情曰亦爲最勝三八種中第八寂勝一隨至施隨近已至方能施與二怖畏施見欲財壞寧施不失三都恩施四求報施五習先施謂習先施謂先祖所行惠施六布天施謂生天也七要名施八爲莊嚴心爲除慳惗爲得瑜伽定也爲得上義涅槃也而行施名莊嚴心從此第五明施果無量論云如契經說預流向其果無量施預流果之量更增乃至廣說頗有施非聖果亦無童頌曰父母病法師寂後生菩薩設非證聖者施果亦無量釋曰一父二母三病人四法師五後身菩薩謂王宮生身住寂後有也如是五種設是異生但施亦能招無量福

文云▲本

飢儉者王云儉渠嚴反約也少

也饑饉也

文

○常得上味者三十二相隨一也

○智論

等者九惱中第一更勘第二記引興起行經可見彼第三天台疏云調達破僧舍利目連教化還合推山壓佛鑿迹金剛以杵擬之碎石送來傷佛足指文第四更勘第五如大經疏第六十誦律云有毘羅祇國婆羅門王字阿眷達是王請佛一隻安居佛受請往其國守門不爨故王不知不獻食又其國人不信故乞食難得故諸比丘辛苦波羅奈國人來斯國放馬乃至即以馬麥施佛及僧佛及比丘僧食馬麥一隻安居文興起行經同之但彼經云王愛宋女故不知佛來經一隻已王即知之即詣佛前求哀懺悔得須陀洹佛爲說法證第四果

文

○背痛者曰捉婆相摸宿因常背痛云○六年苦行者六年間一日食麻一也義寂云莊嚴經云於是菩薩坐沙羅樹下乃至諸天奉甘露一不肯受自誓食一麻一米以續精氣端坐六年文○冬至者光記云第二月後半第九日當此間五月九日此與夏至稍得相當此時日撫長夜極短乃至第四月後半第九日當此間十一月九日此與冬至稍得相當此時日極短夜撫長文但世間長曆五月中爲夏至十一月中爲冬至故夏至冬至不定也天竺一年分三分謂二月十六日至六月十五日熟際也六月十六日至十月十五日雨際也十月十六日至二月十五日寒際也是恭法師意也十一月十

六日至三月十五日爲然際四月三月十六日至十月十五日爲雨際四月七月十六日至十一月十五日爲寒際四月是卽法師意也又西域記云二分二才爲六時云○前後八夜者前後各八夜歟或前後合八夜歟云○舍利弗請問經者可尋見云○塵土坌身者閻報身儀現應化塵相云塵土坌身也○善來比丘者指鬘比丘也○匙者和名云是支反又音提力イ也又卑履反同上玉云匙上支反作匙文○飯食不用者匙有二謂盛飯具箸匙也今匙者盛飯具也非箸匙天竺不用箸匙以長瓜食飯等故云○三種袈裟等者初畧釋名此有物別先趨名者贊云袈裟此云不正色亦名壞帛亦名道服或名出世服或名法衣或名離塵服或名慈悲服或名福田衣欠別名者安陀衣等云大衣童云業疏云先以衣財從肩下地踝上四寸以爲衣身餘分蓋相足可相稱文問三衣長短多少云何答五條一長一短七條二長一短僧伽衣有三品下品九條一條十三條並二長一短中品十五條十七條十九條並三長一短上品二十一條二十三條二十五條並四長一短也問條數何並至二十五而半用乎答羯磨疏云撫至二十五欲爲二十五有福田故唯隻非雙涉門仁晉同世陽化故所以長短如世稻畦隨水高下々々別爲利諸有表聖增凡減長多短少文問禪用絹

衣律用布衣邪正如何。答業疏云世多用紺細者以  
躰由害命制約故五天竺及諸胡僧但無用絹作袈裟  
文感通傳云安用殺生財爲慈悲服文智論云如來著  
鹿布僧伽梨文依之天台被一納布南山繒纊不兼荆  
溪大布爲衣永嘉不雜一絲云

問不正色等名義如何

答青色等深爲正淺爲不正亦名壞也云又在家

爲正色出家色云不正色幾問五色中何限三乎

答白色本在家色也故名白衣此義也赤色淺深俱華  
美也故除之歟○六物圖者三衣爲三四鉢多羅略云  
鉢此云應器供器也又云應量器也五尼師檀此云座  
具六瀝水囊或除之加針筒云○財直者可價袈裟價

直也○安隴會可云安陀衣借名云僧也○最居下者  
三衣中五條下品故云居下又一度著三條五條下著  
故云下著也○院內等者寺中名院內行步名道行造  
作云雜作此等時節著五條也又云四分下述著三衣  
意標識者也義也謂著袈裟者知佛弟子義也○以刀  
截等故慚愧是顯覆藏罪義也故以刀斷袈裟是截顯  
覆藏罪義也○懷抱等者在家人名抱結使々々煩惱  
也言三衣是解脫幢相故不入佛家在家不可著云○  
章服義等者文意大歸者大意也言著袈裟超苦海斷  
生死○夷生涯等者過生死涯登涅槃岸非袈裟梯橙  
難叶耳○住中道者此離斷常二見云中道謂外道裸

形無衣斷見相也白衣多衣變身常見相也佛弟子對外道無衣著衣對白衣多衣著三衣故云中道裸形者西域記云外道服飾紛雜異製或草板俺軀或拔髮或衣孔雀羽尾或飾髑髏瓔珞或無服露形或草枝俺軀或拔髮斷髮或蓬鬢推髻裳衣不定赤白不恒文○悉檀者此翻赴機是有四種今當世界悉檀欵○遽名汎家等者汎家有四種一家施物於僧々爲名利亦與餘人時前施者生嗔得者生喜俗人譏僧故汎家也二僧受檀那施以施物與有德人望所請得者欲請此僧喜悅不與貪乏檀越故生嗔却憤法故汎家也施有偏頗故違平等施三僧物施與親友王大臣威勢不施踈

劣人今生嗔故汎家也是毘尼討要意也四以寺華菓與俗人故時至亦俗人慚望華菓故汎家也是毘尼討要意也含註戒本一云家者有男有女汎家者有四種一依家汎家一家得物一家不得一家聞之不喜二依利養汎家如法得利及鉢中余與一居士不與一居士三依親友汎家依王及大臣或爲一居士或不爲一居士四依僧伽藍汎家取僧華菓與一居士不與一居士得者思供報不得者不思供報文▲本一隻者刪補隨機羯磨中云佛言有三種安居前安居中安居後安居前安居者住前三月後安居者住後三月十誦律佛制五衆並令安居文○刪補筆者南山作三卷文也住

前三月者四月十六日至七月十五日雖至四日數唯九旬也故名三月住後三月亦尔也今文舉初後略中安居云問一隻四月也日數一百一十日也何必用九旬乎答毘尼討要中云問寔既有四月何爲但結三月者答結有兩意一有待之形要假資養故結三月閑後有一月爲須供身衣服二若四月盡結者唯及四月十六日結者得成若有畢緣儻不得結則教法太急事難常行是以聖制始從四月十六日至五月十五日來閑其一月續結令成爲懸攝中下故也已上一有待等者言安居日數雖有四月一箇月間爲冬爲償勞衣食唯九旬安居也二若四月等者撰中下機間若

約初中安居日數雖有延促可有償勞日數若約後安居其時分無如何答此義未決若兼償勞欵又後安居人九旬後餘時可價勞問安居可限寔乎答古迹云雨時虫多令人譏謗文准之安居限隻歟未見通餘時文又案道理爲佛道修行通餘時有何妨但可斥律家明云○各行自恣者毘尼討要云自恣者自己之過恣他所舉謂於衆中白大德長老或見我過或聞我罪或疑我犯恣任所舉哀愍謂我乞當懺悔文○雨時者雨際也五月以後雨盛故名雨際也云○孝經等者經云孝者人之高行也文仁等五常名人高行亦号孝道言行五常有賢者聞自國王等賜恩賞等云孝德▲

本教之等者依師教訓或依教文行孝道故教能生  
教道所生也○天地等者天文博士相称天命時云道  
得又天子受天命政道宜云道得欵又天地神感應云  
道得欵○人主等者國王名人主言天子政化得時群  
臣同之百官在上不憣在下不亂云守其職万民百姓  
云百姓也○万世等者天子改道正直名譽至未代歎  
其美也如彼震且三皇五帝本朝廷喜天曆名譽傳當  
代耳○父母等者言父母爲子孫施與財寶等恩子孫  
順等長大幼少云長幻也親類云親他人云戚也○姻  
族者和名云婚婦父也戸イヲヤ姻輩父也相舅也○  
敦睦等者玉云敦都昆反里也睦莫六爻書云九族睦

々和也文孟蘭盆經疏密云且明儒教以孝爲本者謂  
始自天子至於士人家國相傳皆立宗廟雖五孝之用  
則別而百行之源不殊故開宗明義章中標爲至德要  
道々德以之爲躰教法由是而生何有君子而不勞本  
聖人之德又可以加於孝乎文○資之所受等者弟子  
云資助師行記故云○問奉事等者問意釋世善玄義  
敬善義云不遇佛法善依此釋世善中師長可限世間  
師今何釋出々世師耶次答意行世善有二一不知佛  
法人自然行之二人佛法亦行之玄義敬善義約第一  
類今廣通二類々々者佛法知不知也○舊醫者督天  
帝釋輪王等名舊醫彼佛前教十善等治十惡病故法

華玄云釋天十善論梵天出欲論皆用初番四悉檀忘文○餘處解釋等者玄義散善義名餘處也○但今等者今釋解師長云教示禮節此外無別釋長義故師即長得意也○靈芝云等者上註意師長各別也靈芝意師即長也同今家云○止觀四云等者初善知識等文法華妙莊嚴王品文也阿難以下報恩經欵三種知識本說未勸云與衣食等檀那名外護止觀修行同伴云同行教修行義師近名教授也○若深山等者遠離人里云絕域也上根食木草著木皮不待檀那資助云無所資待也○若修三種等者四種三昧中常行常坐半行半坐三種別時行儀正威儀故不行頭陀假外護也

非行非坐尋常行儀不簡四儀故頭陀等亦修行也○自黑白白衣黑衣檀那數又白黑是善惡表示故檀那善名白惡名黑數又自黑是所施人云白黑欵謂行人有白衣黑衣檀那不簡白衣黑衣施衣食也又行者有德名白無德名黑欵云○管理者當行者用物也○莫見等者若見過生卑下退行觸惱不安稱歎生惱○恠舉者不流布法師德也若流布可損行也○如母等者檀那可思止觀行者如母眷兒如虎銜子銜者銜覆護義也又有人云震且有河虎子度後即成虎形未渡間不成虎形故虎母口含少子渡河也云○調和等者不讚不毀諸事無增減調和相量云也○舊行等者言舊行

人知故實故堪成外護云一義云及下若是指所施行  
人歟謂堪忍諸事即成行故云舊行乃能等歟○隨自  
意等者藤田謂非行非坐名隨自意四安樂行名安樂  
行身安樂口安樂意安樂誓願安樂名四安樂言三業  
誓願安住善事爲安樂義耳○方等般舟經常坐依文殊般若經  
經示所詮行常行三昧依般舟經常坐依文殊般若經  
半行半坐依方等經大意尋常行未必須好伴別時必  
同行云○日有其新等者言於諸事初勇終倦故日之  
作初修行念可有勇猛心爲新義也○切磋琢磨等者  
論語等有此語陶練磨嘗義也同行互策勵各成自業  
又言日新儀異古擬切磋琢磨云也王云切妻結反治

骨也斲也急也又七計反一切也衆也文廣云切割也  
刻也近也迫也義也說文折也千結反文玉云磋千河  
反治象也琢陟角反治玉也禮記曰玉不琢不成器也  
文所詮練磨身心義也一義云坎下其新者自始至終  
無懈怠也如初日終無懈怠云新也文集云慎終如初  
比○道非道者外道小乘有相名非道內道大乘無相  
名道○内外方便者智惠名內身口名外方便即二十  
五方便也即有五箇五持戒清淨衣食具足閑居靜處  
息諸緣勞得善知識名具五緣離色聲香味觸五境名  
苛五欲除貪嗔眠惱悔疑蓋名苛五益調衣食睡眠身  
息心宜名調五事修欲進念巧惠一心名行五法一令

義相如彼未書云○通塞妨障者閼遮名通塞緩急名  
妨障言於行法若有緩急閼通急事遮塞緩事○示教  
利喜者四字俱是能化能也又示教師德利喜資益也  
○轉破人心者教授說法轉破所化恶心也○於諸方  
便者言自決了方便可離師別行若未決不可離師○  
不宜舍者不捨師云也○經言華者法師品文也但經  
云是師大師所覽本然歟○舍利弗問經華者放下此云  
經明三重恩一父母恩二外典師恩若從師學等文是  
也三出家師恩也○問爲是等者問慈心不殺十善業  
同異也初難意經文各別舉淨數亦別釋知別躬行也  
次難意慈心不殺十善第一無別體何爲各別答意初

遮淨影次今家下述今正義○淨數云等者問依此  
師意慈下止行中不殺差別如何答就天台釋九品  
義於慈心不殺存二義影義亦有二義准知九品義云  
慈心不殺乃至即是十善中第一善戒也又釋慈心者是  
四無量心舉初顯後故悲喜捨具足文問若依初義  
同今家釋不可備難答委細料簡置不論三四句爲  
別邊引而爲難也况慈心不殺既通兩義引一邊無其  
妨欵問諸師意心不殺十善第一爲別由如何答  
慈心限不殺十善不局慈心故云○天台亦同者彼疏  
云孝養父母奉事師長敬上攝下慈心行也修十善業  
是其止行身除三邪口離四過意斷三惡文問付九

品義後義不明准俱舍四無量心通依大地謂四本未至中間也然今世善唯是散善也何攝定行 菩同論中舉異師所說通依十地謂欲四本四近中間也若依此解四無量心亦通欲界故無失也○諸師異解等者若試會之對敬上行名慈下行十善中第一不殺慈心不殺其體雖一約餘九行別云止行故不違今云問四無量中慈十善初不殺々々躬此一何爲別義乎 菩不殺躬一所屬是異也一能說異十善舊醫輪王所說也四無量心是醫佛說也二行相異十善散善四無量定也三能行人異十善凡夫四無量聖者也四得果異十善感人天果四無量感涅槃果故爲二義次因問

四無量心體如何 菩俱舍頌云無量有四種對治嗔筆故慈悲無嗔性喜々捨無貪此行相如次與樂及拔苦欣慰有情等緣欲界有情喜初二靜慮餘六或五十文釋云無量有四種者一慈二悲三喜四捨言無量者無量有情爲所緣故引無量福故感無量果故問此何緣唯有四種 菩頌曰對治嗔等故此有四障一嗔二害三不欣慰四欲貪嗔對治此多行障建立慈等慈悲無嗔性喜々捨無貪者出體也慈悲二種無嗔爲躬若依論主慈用無嗔悲是不害喜即喜受捨即無貪此慈悲筆若並眷屬五蘊爲躬問若捨無貪性云何能治嗔 菩此等治嗔貪所引故若依論主捨用無貪無

瞋二法爲貶與樂及拔苦欣慰有情等者明行相也與  
樂是慈拔苦是悲欣慰是喜有情等是捨謂慈親平等  
捨死捨親名爲捨也願諸有情得如是樂如是思惟入  
慈等至願諸有情離如是苦如是思惟入悲等至諸有  
情類得樂離苦豈不快乎如是思惟入喜等至諸有情  
類士等無有惡親如是思惟入捨等至緣欲界有情者  
明所緣境此四無量普緣欲界一切有情謂能治彼嗔  
等障故上眾無瞋等故不緣上眾也喜初二靜慮餘六  
或五十者明依地也喜無量唯依初二禪立餘六者謂  
餘無量依六地也謂四靜慮未至中間或五十者或有  
餘師說唯依五地除未至地謂修無量是容頽得已離

欲者方能修故除未至或有欲令此四無量通依十地  
謂欲界四根本及四禪近分並中間此意欲令定不定  
地根本加行皆無量損故遍十地文○又第四卷等者  
潤色雖引之引文別故置又言鑒芝釋亦如是云○問  
今丈等者難上義謂今釋々慈心不殺不云十善攝次  
釋修十善業云殺業最思釋十善中殺重故爲第一何  
爲上慈心不殺答意第四卷云勝妙戒攝十善戒分明  
何致難云○一切受等者是分一切也所以知者羅漢  
等不愛身命約余凡夫云愛身命故分一切也云○怒  
已者打已身以已痛可知他此云量也○而亦畧之者  
九品中可繹十善十惡故今讓彼也然至彼亦畧不釋

云也

觀經序分義傳通記卷第三見聞本終

四十七紙

享保十六年六月二十三日謹寫

三緣山

活字

